

- (5) Rezultate izbora Savjeta Mjesne zajednice verifikuje Općinsko vijeće."

Član 3.  
(Izmjena člana 23.)

Član 23. mijenja se i glasi:

"Član 23.

- (1) Prijedlog kandidata za Savjet Mjesne zajednice mogu podnijeti građani pojedinačno ili grupa građana.
- (2) Prijedlog iz stava (1) ovog člana podnosi se Općinskoj izbornoj komisiji Novo Sarajevo na propisanom obrascu za prijavu i u roku predviđenom Odlukom Općinskog vijeća Novo Sarajevo o raspisivanju izbora za savjete mjesnih zajednica i to u zatvorenoj kovrti, putem protokola Općine.
- (3) Općinska izborna komisija propisuje Prijavni obrazac i Listu sa potpisima, iste ovjerava i o tome vodi evidenciju.
- (4) Uz prijedlog kandidata podnosi se Lista sa potpisima podrške za kandidaturu za člana Savjeta mjesne zajednice, koja za jednog kandidata mora da sadrži najmanje 20 potpisa podrške.
- (5) Potpise podrške za kandidata mogu dati lica koja su upisana u Birački spisak područja za koje se kandidat kandiduje.
- (6) Lista sa potpisima podrške sadrži sljedeće podatke:
  - ime i prezime,
  - adresa prebivališta,
  - broj identifikacijskog dokumenta i
  - svojeručan potpis.
- (7) Potpis podrške se može dati za maksimalno 5, odnosno 7 kandidata, u ovisnosti koliko članova savjeta se bira.
- (8) Kandidatska lista, mora imati najmanje dva puta više kandidata, od broja koji se bira.
- (9) Red na Kandidatskoj listi utvrđuje se žrijebanjem koji provodi Općinska izborna komisija, u skladu sa aktima Općinske izborne komisije. Žrijebanje je javno."

Član 4.  
(Izmjena člana 24.)

U članu 24. stav (5), mijenja se i glasi:

- "(5) Procenat birača iz prethodnog stava utvrđuje se na osnovu podataka iz popisa stanovništva."

Član 5.  
(Izmjena člana 51.)

U članu 51. stav (1) alineja 4 briše se.

Član 6.  
(Stupanje na snagu)

Ovaj Statut o izmjenama i dopunama Statuta mjesne zajednice, stupa na snagu danom verifikacije i davanjem saglasnosti od strane Općinskog vijeća i objavit će se u "Službenim novinama Kantona Sarajevo".

Broj 02OV-04-8926/22  
01. septembra 2022. godine  
Sarajevo

Predsjednik  
Zbora građana  
Mjesne zajednice  
**Omer Ključić, s. r.**

## OPĆINA TRNOVO Općinsko vijeće

Na osnovu člana 7. Zakona o stvarnim pravima ("Službene novine Federacije BiH", broj 66/13 i 100/13) i člana 24. Statuta Općine Trnovo ("Službene novine Kantona Sarajevo", broj 12/08), Općinsko Vijeće Trnovo na 12 redovnoj sjednici održanoj 11.10.2022. godine, donosi

## ODLUKU

### O PRESTANKU STATUSA NEPOKRETNOSTI U OPĆOJ UPOTREBI

Član 1.

Utvrđuje se da je izgubilo status nepokretnosti u općoj upotrebi zemljište označeno kao :

- k.č. br. 3114/56, zvn "PUT PREKO IGMANA", nekategorisani put u površini 32 m<sup>2</sup> i
- k.č. br. 3114/57, zvn "PUT PREKO IGMANA", nekategorisani put u površini 141 m<sup>2</sup>.

upisano u ZK ulošku 86 K.o. Presjenica.

Član 2.

U zemljišnim knjigama Općinskog suda u Sarajevu, brisat će se opis nepokretnosti dobro u općoj upotrebi-putevi iz člana 1. ove odluke i isto će biti upisano sa pravom vlasništva na ime Općina Trnovo, sa dijelom 1/1.

Član 3.

Ova odluka stupa na snagu danom objave na oglasnoj tabli Općine Trnovo, a naknadno će se objaviti u "Službenim novinama Kantona Sarajevo".

Broj 01-02-3690/22  
11. oktobra 2022. godine  
Trnovo

Predsjedavajuća  
Općinskog vijeća Trnovo  
**Amina Dedić, s. r.**

Odluka objavljena na oglasnoj ploči Općine Trnovo dana 11.10.2022. godine

## JU "SLUŽBA ZA ZAPOSŁJAVANJE KANTONA SARAJEVO" SARAJEVO

Na osnovu člana 35. stav (1) Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22), člana 27. Zakona o ustanovama ("Službeni list RBiH", br. 6/92, 8/93 i 13/94) i člana 16. Statuta Javne ustanove "Služba za zapošljavanje Kantona Sarajevo", Sarajevo (broj 05/1-3306/08 od 22.05.2008. godine; 05/1-0224/12 od 08.02.2012. godine; 05/1-0542/12 od 21.03.2012. godine i 05/1-0867/2016 od 27.06.2016. godine), Upravni odbor na 25. redovnoj sjednici održanoj dana 07.10.2022. godine, donosi

## PRAVILNIK

### O POSTUPKU INTERNOG PRIJAVLJIVANJA KORUPCIJE U JAVNOJ USTANOVU "SLUŽBA ZA ZAPOSŁJAVANJE KANTONA SARAJEVO" SARAJEVO DIO PRVI - OSNOVNE ODREDBE

Član 1.  
(Predmet)

Ovim pravilnikom propisuje se pojam i postupak internog prijavljivanja korupcije u Javnoj ustanovi "Služba za zapošljavanje Kantona Sarajevo" Sarajevo (u daljem tekstu: Služba), radnje nakon zaprimanja prijave i druga pitanja koja su vezana za interno prijavljivanje korupcije.

Član 2.  
(Definicije)

Pojedini pojmovi koji se koriste u ovom pravilniku imaju sljedeća značenja:

- a) "**korupcija**" podrazumijeva zloupotrebu povjerene funkcije, radne obaveze ili posla od strane nosioca javne funkcije ili radnika u Službi koja može dovesti do sticanja privatne koristi;
- b) "**sukob interesa**" postoji u situacijama u kojima nosilac javne funkcije ima privatni interes koji utiče, može uticati ili izgleda kao da utiče na zakonitost, otvorenost, objektivnost i nepristrasnost u vršenju javne funkcije;